

三省边防备览

三省边防备览

卷一

三省邊防備覽

策畧

淑江嚴如煜輯

策畧

陝西之漢中興安商州四川之保寧綏定夔州湖北之鄖陽宜昌地均犬牙相錯其長林深谷往往跨越兩三省難以界劃故一隅有事邊徼悉警守土之吏疆域攸分卽能固圉保民詎能越境而謀故講又安之策必合三省通籌之也

天文井宿次未午二宮分度最廣商州在井一度漢中興安在井三度保寧在井十三度夔州綏定二府均在翼十七度而奉節巫山大寧雲陽梁山萬縣又在翼十度鄖陽

府之鄖縣在星六度房縣保康在張一度竹山張二上津
張三鄖西竹溪在張四聖人仰觀俯察休咎之徵鑒諸儀
象任邊防之重者不可不隨時占候也

南山在陝西西安府之南山高而長阮亭所云終南雲物
一千里是也西爲太白山北爲華嶽山由秦隴而來踰北
棧經五郎考義東出商洛融結河南諸山鎮安洵陽漢陰
石泉洋縣各山皆其支分別派穹巖邃谷老林深箐多人
跡所不至時虞伏莽故往史所稱動曰南山盜賊
南山專屬陝西在渭河之東南漢江之北其由漢江南襲
徑至岷江北岸陝則興安平利白河定遠西鄉寧羌川

保寧綏定太平夔州湖北則鄖陽之房縣竹山竹谿宜昌之歸州興山均在江漢之間其山之最鉅有名者曰大巴山大約自秦階折而東爲畧陽之仇池經寧羌南鄭城固至定遠巴州凡川東北與陝興安湖鄖陽宜昌漢江以南各山皆其支分別派而下結爲均州之武當巴山老林跨川陝兩省周行千數百里在蜀曰三巴老樹陰森爲太古時物春夏常有積雪山幽谷暗入其中者蒙蔽不見天日稽防難周宜其爲逋逃藪也

西安之咸陽長安藍田蓋屋鄠縣鳳翔之寶鷄郿縣均在山外而縣轄地方往往錯入山內咸陽長安蓋屋三邑錯

入山內者尤寫遠往往至三四百里故有鞭長莫及之患
陝西各山大約多類華嶽峻削挺拔非如東南坡陀蜿蜒
易於攀躋由華州經藍田至寶鷄共七十二峪口山賊窺
伺內地必由峪口而出故當辦理賊之時防其竄突於各
峪口徧設卡扼以重省城門戶

寶鷄古陳倉渡渭河進山經草涼驛黃牛堡過鳳縣畱壩
廳至褒城縣山程六百里爲北棧道山峻水急其中多巉
巖壁立難以鑿路募匠鎚石成孔橫貫巨木上覆木板外
作欄檻繞之如橋梁狀名曰棧道其中最險曰煎茶坪大
散關鳳嶺柴關嶺馬鞍二十四嶠鷄頭關父老言數十年

前古木叢篁遮蔽天日異花奇木芬馥泉巖近爲川楚棚
民開墾路增崎嶇而風景不復蔥蒼矣

棧道之西爲秦隴階文徽成各州縣東則南山老林山堙
谷口處處可以躡越形勢如蜈蚣狀故賊匪東西奔竄防
堵爲難

漢中府治東有饒風南橫大巴北扼大散西拒仇池漢江
橫貫其中最爲形勝其中南鄭城固洋縣西鄉褒城沔縣
周圍五六百里一望平原地美人殷漢高因之成帝業而
武侯北定中原亦屯軍於此晉宋以後爲梁州唐更名興
元王阮亭咏之曰平蕪蹀躞連錢馬近郭參差橘柚村非

虛語也

興安在漢江南地勢寬厥府治本無城秦撫軍防堵教匪築土墻以守沿舊號曰老城山內土性不堅夏秋霖雨輒有坍塌邊徼重地宜爲未雨綢繆者

興安往西安大路由漢中一千八百餘里於山中另開闢新路由洵陽之趙家灣兩河關經過鎮安孝義出太峪口山程約七百里較棧道捷甚然鳥道羊腸中如九里岡琉璃溝安判官嶺仙人碣洵陽梅花舖鷄上架鎮安猴子石大山孝義高峻嶮巖一徑於樹根石角之間稍不戒則人馬均墮非如棧道地雖險而路寬故招解人犯仍由漢中大

路

西鄉所管共七十二地方山大林深極其遼濶周圍二千餘里嘉慶七年奏將山內二十四地方分設撫民同知廳治在班城爲班定遠侯封地因名廳曰定遠距西鄉縣二百九十里至四川太平廳二百四十里沿邊東接毛壩關南繞鹽廠平落西歷黎壩白陽關共計六百八十里與四川之太平巴州通江南江接界內有星子山老林約數十里亦大山也大巴山在定遠者四百餘里西鄉之險峻盡分廳治而西鄉成腹地矣

定遠設姚家壩簡池壩兩巡檢距廳治皆二百餘里人煙

稀少姚家壩尤爲荒涼嘉慶九年方撫軍奏移姚家壩巡檢安設漁肚壩簡池壩巡檢安設黎壩均在廳城西南一百里內外定遠捐修廳城兩巡檢分防之地亦爲代修石堡三城鼎峙頗資犄角

鳳縣古池荷郡又爲鳳州西通隴右南扼巴西自古必爭之地東南爲南山老林由城西進山溝約百餘里至甘肅之兩當再西爲徽成兩縣毗連秦州山賊竄甘省多取道於此故於縣治增設漢鳳營

乾隆二十九年分褒城武關以北鳳縣南星以南設畱壩廳改漢中水利通判爲畱壩廳撫民通判畱壩在棧道中

西有紫柏山高數十里青巒聳拔上插雲霄相傳爲張子
房辟穀處廳泊湫隘兩面高山中間溪流湍激向無城垣
由鳳縣至褒城四百里空曠竄遠軍火糧餉時有疎虞近
修磚城一座頗爲鞏固崇傭仡仡行棧道者心膽爲之一
壯

褒城之馬道相傳爲蕭相國走馬追淮陰侯處就驛結堡
人煙較縣治爲多

光武征隗囂得畧陽而囂懼嘉陵江襟帶城西另有小河
一道名八渡河繞城東而下渡嘉陵江西進至白馬關爲
甘肅要衢

舊誌有仇池四面陡險上頗平厥有泉有田往時武都羌
據以爲固者在今成縣西和間邑境山壤磽确沿途絕少
水田

川省入陝首爲寧羌州州境遼濶綿延數百里黃壩扼巴
蜀之咽喉陽平爲秦隴之門戶荒耳山茅埡子板倉壩一
帶與廣元昭化之荷葉嶺石龍埡城牆巖黎壩各處壤地
相錯山幽谷深易以藏奸間有水田稻出無多

興元洋州唐時屢爲駐蹕之地北路進牛羊嶺麻庄河麻
兒溝一帶大山數百里與西安之長安盤屋接界內多未
闢老林近於華陽地建土堡一座添設文武官弁而地大

林深彈壓非易

定遠設廳而後西鄉邊防盡屬定遠禦賊當在門牆之外
嚴定遠之防維則西鄉自可固圉軍興時賊匪往來巴山
數百里幾成豹狼巢窟西鄉當山路鍾家溝堰口峽口大
巴司各等處俱有重兵派將官防堵

陝省入川之路其由寧羌廣元棧道而前者正道也而奇
兵往往由西鄉而進漢昭烈取漢中大兵發葭萌關張桓
侯由西鄉一路後西鄉爲桓侯封邑定遠之扯旗溪拴馬
嶺各處多桓侯遺跡明時川賊鄔本恕犯漢中流賊張獻
忠入川總兵左良玉等扼賊力戰多在漁肚壩九拱坪一

路定遠之設廳洵安邊遠猷也

石泉本漢陰之石泉堡成化十七年改爲縣治在漢江北岸縣令李樞煥籌修關廂崇山峻嶺一望巘崿饒峯關高十五里石磴盤折其險可守自饒峯北進山爲興安往五郎之路中有雲霧山山河界貓兒嶺諸險均極幽峻四畝地營與五郎聲息相通尤爲必守之要四面老林一二棚民之外別無土著稽防稍疎輒起寇心

漢陰本縣治興安州轄興安陞府漢陰改爲廳治地勢平坦廳北各山與五郎鎮安相連漢王城古跡在廳南漢江之上

紫陽縣本漢陰之紫陽堡成化年間改爲縣轄地多在漢江南岸任河洞河大小道河均在縣南溝岔紛岐山岡重疊衰延數百里易以伏莽賊匪滋事之時居民搬往漢江北岸不敢回故地者數年

紫陽南境扼要之地有鐵佛寺斑鳩關東南近安康有大山曰五朶雲林深路峻上廣數十里賊匪伏匿官兵搜捕經時

安康本興安州治興安陞府改附郭首邑縣境遼濶西往漢中一路恒口地勢平坦西北王莽山牛山穹窿翠嶺爲終南分支明季陷李賊之車廂谷卽在二山間松樹壩上

三省通志卷之二
下團山與洵陽鎮安孝義接界林幽谷深奸徒易以伏匿
傅家河一路由山溝中行地雖幽暗路頗平夷故避兩河
關之險者由鎮安取道於此徑達興安漢陰

安康南與平利西與紫陽交界西南至南天門與四川之
城口廳交界密地數百里崇山峻嶺溝汊分岐有滔河嵐
河大道河等名地方極其幽暗距縣寫遠稽防難周往時
楚中傳教之人潛相煽惑故清查叛產絕業安康爲最多
經正民興導邊遠之愚蒙使不爲邪慝所炫是所望於良
司牧矣

平利北連安康東界洵陽東南接湖北之二竹西南與四

川之太平大寧交界鎮坪一隅深入川楚之中距縣治三百六十里鳥道一線盤折危巖峭壁之間鷄心嶺扼夔府大寧之路偏巖子通一碗泉汛平溪河八仙河與太平廳之城口黃墩相接處處老林內有化龍山綿亘百數十里尤爲幽峻匪徒出沒設巡檢專司稽防漆安大營畧資控制沿途之八卦廟孟石嶺散子坪等處亦爲要隘

洵陽在漢江北縣治孤峯突兀夾以漢江洵河俗稱金線釣葫蘆縣北關外地勢頗高可以俯瞰城中嘉慶六年知縣嚴如煜砌大礮臺一座修甬道數十丈其險可守邑境尚有未闢老林兩河關爲由商洛入金洋必爭之險